

Dumonda Tomaschett concernent la publicaziun dals lieus, nua ch'èn situads ils implants da mesiraziun da la sveltezza en il chantun Grischun

A chaschun da la debatta davart il preventiv en la sessiun da december 2024 han 39 deputadas e deputads acceptà la dumonda da reducziun Tomaschett concernent la smesada dals retgavs ord las multas disciplinaras en il traffic sin via.

Il petent ha motivà la reducziun dals retgavs da 13 milliuns francs per 7 milliuns francs cun il fatg, che las controllas da la sveltezza na servan betg mo a la segirezza dal traffic, mabain gidan er a generar respectivamain a garantir entradas per il chantun. Il cusseglier guvernativ responsabel e directur da segirezza ha numnà questa proposta «absurda» ed ha refusà questa pretensiun. El ha empermess, che las controllas da la sveltezza en il chantun Grischun servian mo a la segirezza dal traffic.

Sche quai è uschia, na cuntrafaschess nagut a la publicaziun dals lieus, nua ch'èn situads ils implants da mesiraziun da la sveltezza en il chantun Grischun.

En vista a quests fatgs tschentan las sutsegnadras ed ils sutsegnaders la suandanta dumonda:

Pudess la Regenza s'imaginar da communitgar a las utilisadras ed als utilisaders da la via – analogamain al chantun vischin Son Gagl – en moda adequata ils lieus, nua ch'èn situads ils implants da mesiraziun en il chantun Grischun (senza ils lieus sper ospitals, chasas da persunas attempadas e da tgira, scolas e scolinas)?

Cuira, ils 12 da favrer 2025

Tomaschett, Cortesi, Claus, Berther, Berthod, Berweger, Bettinaglio, Brandenburger-Caderas, Brenn, Brunold, Bundi, Caluori, Casutt, Caviezel, Collenberg, Danuser (Cazas), Della Cà, Derungs, Dürler, Epp, Furger, Gansner, Gort, Grass, Hartmann, Heim, Hohl, Jochum, Kasper, Koch, Kocher, Loepfe, Loi, Luzio, Menghini-Inauen, Metzger, Michael (Castasegna), Mittner, Morf, Rauch, Righetti, Sax, Schneider, Schutz, Sgier, Sigron, Spagnolatti, Städler, Stocker, Thür-Suter, Ulber, von Tschärner, Wieland, Zanetti (Landquart)